



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuiſimiè explicantur

Gavanti, Bartolommeo

Antverpiæ, 1634

De Litanijs maioribus & minoribus XVI.

urn:nbn:de:hbz:466:1-40244

sed est Ambrosiana , vt dictum est
Tomo primo.

4 In Dominica secunda post Pascha
continuatur Lectio Actuum Aposto-
lorum; quia est exemplaris, cum anta-
qui legerent in hac & sequenti Domini-
nica Apocalypsim, vsq; ad annum 1550.
& Responsoria congruant Lectionibus,
repetita in tribus Hebdomadibus,
tamquam propria Resurrectionis eius
qui tertia die resurrexit.

5 Dominica tertia legitur Apocaly-
psis, quam scripsit Ioannes Apostolus
in Patmos, ad quam Insulam telegatus
fuit a' Domitiano anno decimo eius
Imperij, & 14. eiusdem eam scripsit,
qui fuit annus Christi 97. ex Baronio
codem anno in Annal.

6 In Dominica quarta legitur Epi-
stola Iacobi, quā Eusebius lib. 2. Hist.
cap. 22. appellat primam earum quae
Catholicae nominantur; non quod Ia-
cobs ante Petrum scriperit, sed quia
in Canone prima collocatur. Obijtille
anno 63. ex Baronio; & facile eam
scripsit, occasione Hæresum Simo-
nis Magi. Responsoria Davidica ha-
bentur apud Amal. de Ord. Antiph.
cap. 54. Quod si hæc Dominica occur-
rat die 2. Maij, cùm pridie legi debeat
initium Epistolæ Iacobi, ob eiusdem
Festum, legantur in hac Dominica
Lectiones Feriæ 2. sequentis, ad varie-
tatem, vti decretum est in postrema
Breuiarij recognitione.

7 In Dominica quinta legitur Epi-
stola prima S. Petri, scripta anno 45.
cum esset Romæ, quam in fine Episto-
læ, more illorum temporum ab Apo-
stolis visitato, Babylonem appellat. Et
hæc de Dominicis post Pascha; in
quibus cur legantur Apostolica facta,
& scripta, præter Gelasij Decretum, ad-
dit causam Ruper. lib. 10. cap. vlt. quia

virtute magna reddiderunt Apoboli
testimonium Resurrectionis Christi.
Orationes à Dominica secunda ad
quintam sunt alia à Missis, quæ hu-
bentur in Sacramentario Gregorino.

*De Litanys maioribus &
minoribus.*

C A P. XVI.

1 **S**i occurrant Litanie maiores in
Paschate, quod accidit anno 1666. & quando littera Do-
minicalis est C, & Epacta xxv. id
xxiv. vt videre est in Tabula no-
stra 35. Ordinis perpetui, eo casu
transferendæ sunt in Feriam teriam
ex Decreto S. Rituum Congregationis
die 25. Septemb. 1627. cum Procl-
amatione, in diem quidem Festum, vt po-
pulus adsit; non in die Paschæ, ac
populus impeditatur a Communione
Paschali; né vetustatari videatur vel ini-
niçum in tanta solemnitate, colore
violaceo adhibito, & Missa causa
de luctu: & consequenter Litania
priuatis in eadem Feria recitande
erunt.

2 Alias non habebatur in Breuiario
Officium de Rogationibus, sed Mille
tantum dicebatur: nunc autem Ha-
milia legitur super Euangelium Mille,
& dicitur in Officio Oratio Missæ,
quæ habetur in Sacramentario Ge-
gor. De Feria tertia Rogationum in-
fala fit in Officio de Festo, etiam Sim-
plici, commemoratione.

3 *Qui non intersunt Processionibus,*
dicant priuatum Litanias, &c. quo ver-
bo præcipitur omnibus qui tenentur
recitare Horas Canonicas, sub mortali,
ex Suar. lib. 4. de Hor. Can. cap. 15.
num. 8. & 9. Neque de his loquitur
Pius V. in Bulla, quando tantum hor-

tatur ad Psalmos Pœnitentiales, &c. Et licet oremus stantes tempore Paschali; tamen ij qui non intersunt Processionibus, flexis genibus eas recitate debent, Jo Beleth c. 121. mœtorem enim habent cum colore violaceo, & recitantes peccatorum potius statum repræsentant quam iustorum, vnde in ijs dicunt, *Peccatores, &c.* De auctoribus Litaniarum maiorum & minorum diximus in primo Tomo.

4 Caucent ij qui in Processione fabulantur, & materialiter tantum cantant cum alijs Litanias, vel non cantant, ne rei fiant coram Deo: communitas enim est opinio, eos teneri ad priuatam earumdem recitationem; quia inter absentes eo modo numerantur.

5 An verò in Processione sint cantandæ Litaniae cum repetitione, vt fit in Sabbato sancto. Nonnulli eas cantant cum repetitione in Litanijis maioribus, non in alijs, alij semper cum repetitione. Standum videtur consuetudini locorum, habita ratione quoque longioris aut brevioris viæ: sed repetitio propria est Sabbati sancti & Pentecostes. Si fieri Procescio, non ante discedatur ab Altari, quām sit cantatum inclusiuè, *S. Maria, ora pro nobis,* vt dicitur in Rituali Pauli V. In longiori Procescio vel repitantur, vel addantur Psalmi Pœnitentiales, seu Graduales, *ibid.* terminetur autem cum Precibus & Orationibus, quæ habentur in fine Litaniarum Breuiarij Romani, *ibid.*

6 Quæsitum fuit: An ille qui recitat vesperi Matutinum cum Laudibus, possit etiam statim recitare Litanias: & respondi, posse, quia Rubrica coniungit Litanias cum Laudibus, quibus idcirco adiungitur v. *Fidelium tit. 30.*

de Oratione num. 3. & accessorium sequitur naturam sui principalis, quod in hoc casu sunt Laudes.

De Festo Ascensionis Domini.

C A P . X V I T .

1 **V**igilia Ascensionis non habet iejunium, quia de tempore Paschali est; vnde & admittit Hymnum *Te Deum.* Habet Homiliam de Euangelio Missæ, de novo iure Pij V. vt concordet Officium cum Missa. Microl. cap. 55. meminit iejunij; ergo post eum cessavit, vel alicubi tantum fuit seruatum.

2 Ascensio Domini indicitur festiva cum Antiphonis ad vnumquemque Psalmum, puto ad feruorem charitatis excitandum, quæ in Antiphonis significatur, vt diximus suprà Sect. 5. c. 7.n.3. & in Ordine Rom. leguntur Lectiones primi Nocturni de Actibus Apostolorum, quæ à nobis. Amal. de Ord. Antiph. c. 56. indicat Officium idem quod nos recitamus. Oratio habetur in Sacram. Gregor. Habet Octauam, ex Radul. Propof. 19.

3 In sequentibus diebus prosequimur reliquias Epistolas legere Apostolorum Petri, Ioannis, & Iude, usque ad Pentecosten, ex Decreto Gelasij. Et binæ Petri, ternæ Ioannis habent rationem vnius libri, sicuti diximus de Epistolis Pauli; vt idcirco nihil cures, si earum initia legi non possint, impeditis proprijs Ferijs. quod in postrema Breuiarij recognitione examinauimus.

4 Scripsit autem Petrus secundain Epistolam anno Christi 68. paulò ante martyrium, vt idemmet significat in Epistola, Baron. eo anno. Sanctus Ioannes scripsit primam, quæ legitur

R in